

Bernhard Knipperdollingk.



In Jahr 1534 wurde Bernhard Knipperdollingk von seine mitt gellen zu einen Burgermeister erwelt/ in
 Munster/ mit Gerard Rippenbräch/ nach dem sie alle gewalt inder stadt bekamen/ alle Gortshuser vnd geist-
 liche gutern beraubeten/ S. Mauritz Kirch geplündert vnd verbrent/ mit mehr köstliche gebew vnd Alöstern/
 vnd nach dreyen tagen lieffen sie auff der gassen schreyend/ thät buß/ thät buß/ vnd was nitt ihrer Sect war/
 stieffen sie zur stadt hinauß/ sie trieben groß gewalt/ namen alle das gewewz der stadt/ theilend vnter ihnen auß/ schrie-
 ben in die umbligende ört/ vmb ihres volckes/ die hauffen weiß kamen/ sie traumten vnd weissageten viele fantasien
 vnd grillen. Pistorius/ ihr Prophet von Harlem/ gebot das alle Burgeren musten bringe ihre kleindet/ gold/ silber (vnd
 was sie hatten) auffm marck in ein hauß dar zu verordnet/ alle bucher (außgenommen den Bibel) wurde öffentlich
 verbrent. Knipperdollingk weissagete zween tag vor Ostern/ daß die so hohe emyptern hatten/ solten sich berniderigen/
 sprechend er solch befehl von Gott empfangen hatte. Also ward auff den selben tag/ durch Johan Böckelz/ ihme Knip-
 perdollingk das schwerdt in handen geben/ sagend/ du wirst nun nit mehr Burgermeister/ sonder das henccker ampt
 besitzen/ welch Gottes gehalts also ist/ welches Knipperdollingk mit danck an nam. Vnd als nun groß hungers not
 vnter die Burger schaffte war/ spanten sie zu samen auffm marck/ vnd stengen viel falsche Propheten/ alwah Knipper-
 dollingk auch einer war/ die wiederparthy solches vernumen/ kamen ihre gesellen zu erlösen/ namen also dießer Burgeren
 bey funffzig gefangen/ die sie alle an pfofen bunden vnd jämmerlich erschossen. Vnder zwischen war ein Goldschmidt/
 genant Johan Tulsosier/ der weissagete das auß Gottes befehl Johan Böckelz ihr künig/ solte ein kaiser vber den
 gantzen erdboden sein. Als er solches hörte/ sagt er solches langes von Gott befehl gehabt/ aber hatt es nitt dörfen of-
 fenbahren. Es geschach aber das viel leut auff den platz bey ein ander waren/ vnd hart an ein ander stunden/ damit sie
 wol solten hören/ sprang Knipperdollingk auff die köpfe der leuten/ kriechend mit händen vnd fussen/ vnd bließ ein yet-
 lichen taden mändt/ sprechend empfangt den heiligen Geist/ nit noch andere raseri zu lang zu erzehlen. Als nun die
 stadt gewonnen/ is er mit seinen künig gefangen/ vnd mit glucke zangen zerissen/ vnd in eysene köhzen gehangen.

cm
7
6
5
4
3
2

© Herzog Anton Ulrich-Museum Braunschweig



